

KA UT LOHPEN THU PAWLKHAT

1. Nu le pa a itlo pa hongkicih ding ut kei ing.
Na nu na Pa zahtak in (Paikhiatna 20:11-13; Mt 15:4, 19:19; Mk 7:10).
2. Mithadahpa hongkicih ding utkei ing.
St Paul in khauhtakin agen na ah "Athadah te an pia kei un" (2 Thes 3:10).
3. Mikiliansakpa hongki cih ding ut kei ing.
Mikiliansakte ki nengniam dinghi (Lk 14:11-12; 18:14).
4. Miki tawngsak thei pa hongkicih ding utkei ing.
Mi lemtuah te, mi kitawng kilemsak te Pasian tanu tapa te kici dinga, amau te thupha ngahmi hi ding uhhi (Mt 5:9).
5. Misimmawhpa hongki cih ding ut kei ing.
Kami aneu pen khat tungah na bawl leh keitung nongbawl khin hi, ci in na kigelh hi (Mt 25:40-45).
6. Mihehpih theilo pa hongkicih ding ut kei ing.
Midangte tungah hehpih naneite Pasian in hehpih dinga, amu te thupha ngahmi hiding hi, ci-in Laisiangtho sungah na kigelh hi (Mt 5:7).
7. Mihaupa hongkicih ding utkei ing.
Lazarus hongpai lam theikei khaleng (Lk 16).
8. Ulianpa hongkicih ding ut kei ing.
Pilatu bangin Thuman thei na pi, nuntakpih zo kei khaleng (Mt 27:50-58).
9. Thunget hatpa hongkicih ding ut kei ing.
Pharisee te leh thukhamhilh siate tawh kibang kha leng (Mt 5:20).

10. Thungen lopa hongkicuh ding utkei ing.
Christian hi napi in, thungen nuamlote gamlak ganhingsang in poizaw a, Sakamkei sangin zong kihtaakhuai zaw hi, ci-in naki gelh hi. (St Ireneaus, St Justin the Martyr, St. Ignatius of Antioch, Origen, Tertullian)
11. Mipilpa hongkicuh ding ut kei ing.
(Pasian phawk kei khaleng...Note lampi, note ngeina leh kei lampi keingeina van le lei in kikhai hi (Is 55:8-9).
Pasian kihtaakna in pilnakipatna hi ci-in Paunak 1:7 sungah honghilh mahbangin, leitung pilna siamna tampi te hangin, mipil hongkicuh hangin, Pasian zahtakna leh kihtakna a om kei leh, pilna neinai lo mi, pilna cih thu akhiatna nangawn athei nai lo mi kahi dinghi.
12. Ka utloh penpen in Mt 25 sunga “Keel” mah ut kei pen mawk ing.(Vantunggam tunglo ding)
Thu khenni ciangin, nang upna nanei hiam, na lamdang nabawl thei hiam cih tuamtuam te hong kidong lodinga; mi naheh pihhiam, mi na huhhiam, midangte tungah bangci in nagamta hiam cih thu hongki dongding hi. Tua niciangin, mi ahuhngei lo, mi ahehpih ngeilo, mi athupi simlo, mi akinlo, mi ahuai lo, mi akhoi lo, cina avehlo, mi awlmawh lo thu umpi pa khat ka hihding utkei penpen ing.

Leuven(21.10.2011)

Fr. Damian Dal in "Upna le Kammal" laibu hongbawl pen thupi kasa mahmah hi. Hih Pasion tungah ih Upna nikhat khit nikhat a khantoh theih nading Pasion kammal tawh honggelh hi. Ih ngaihsut khak loh, kha nuntak nading aa athupi mahmah lamlahna te zong honggelh khia thei ahih man in, hi laibu pen Christian khat in asim huai mahmah laibu khat ahihi.

Fr. John Pau Sian
Currently Studying in Katholieke Universitiet,
Leuven, Belgium

Christian taktak i cih in Upna le zuihna, gamkhau bangin hual khawm in, nisim in nuntakpihna hi a, tua nuntakna lampi ah hong tonpih dingin hih laibu in lawmhoih penpen te lakpan lawmhoih pen khat ahihi.

Fr. Raphael Khuppi
Currently Studying in University
of Santo Thomas, Manila
Philippines

Laigelh pa: Laigelhpa Fr. Damian Dal pen Roman Catholic siampi khat ahihi. 2009 in Siampi suahnaza ngah in, kumkhat leh alangsung St Theresa's Parish, Lailui, Kalay Diocese ah Parish Priest sema, tulai tak Katholieke Uversitiet Leuven, Belgium ah laisin in a om laitak ahihi.